

集諸法寶上論
法集名數論

支那內學院 成績品
第 二 號
校勘門文句類
刻本一冊



244.1
9118

集諸法寶最上義論

善寂菩薩造

宋西天三藏朝奉大夫試光祿卿傳法大師

施護奉詔譯



歸命一切佛。歸命諸法藏。頂禮一切智。廣大甚深理。
我今造論名曰寶上。是諸法中最上真實決定勝義。
論曰。若人若天及諸情類。從無始來癡暗爲因。有語
言道。是惡趣根。若有樂入。彼一切智清淨界者。是故
歸命佛。日光明。此中云何。所謂離我等性及一切因。
當知一切煩惱業生雜染等法。無初無住而無實體。



688

雖有所生與夢幻等如夢幻故從分別起當知諸法皆從緣生。是故諸佛緣生義中宣說諸法諸物性空。空無自性。而亦不應於中作無實想。是故清淨阿賴耶識雖有所受而無所著。此義甚深。又復廣大。諸經教中皆如是說。諸有樂欲求解脫者。應當如實覺了。諸法當知諸法不離於識。若離識者是性。卽斷。是故法中無實有性。法集經中作如是說。若法是實。若法不實。若有自性。若無自性。是二不應將幻喻等諸法。非有性而亦非無性。此中所說。若實無性。無性名空。空卽成斷。若實有性。是性爲常。當知言空與非空異。

離空非空亦無所得。又如明暗二不相合。離暗離明俱無所得。是故應知此中所說明不現前。暗云何離智之與愚。二不相合。離智離愚亦無所得。非智非愚。是二中間。我想皆空。彼一切法無內無外。亦無中間。無法可取。無法可捨。寶積經中作如是說。若說言有此爲一邊。若說言無是爲二邊。若一若二。若彼中間皆無有相而不可見。無相見。故亦不可說。無形無像。不可表示。無種類法。無所攝藏。亦非中邊有所安立。此中所說是真實說性與無性本來如是。作此解者。眞觀聖諦能離貪等煩惱過失。設復煩惱有所生起。

於聖諦中而無所著若如是知如是解者即得如來功德聚身作師子吼轉大法輪普令一切皆悉見聞楞伽經中作如是說我語無相而不可取轉識經中作如是說離識有法理不相應授記經中作如是說當知識心徧一切法十地經中作如是說色法無實不可取捨那耨俱梨經中作如是說若了諸法性即非智所知是故此中無實可得智體無實當知如幻諸經教中作如是說諸菩薩者隨諸相轉是相無實義無所得勝義諦中言不可立寶雲經中作如是說若本是無不可言有識離分別名不可立彼勝義諦

眞理離言而諸物性實無所得此如是說是決定語佛所說意破諸無智現愛經中作如是說若言有物是爲空者眾生業報應有染淨若有染淨即是有所作若有所作即種種相隨世間轉有相轉故見有所成若能安住無顛倒想即知物性無別實體此如是義者慈氏菩薩問世尊如實說我本無邊菩提亦無邊菩提無邊故無菩提可得我無邊故無求菩提者亦無少法是智所知唯諸佛智而能照了彼眞如法即是無性無性即是如來如來者即是無生性颯鉢多設多經中作如是說彼一切法若說言有此爲常語

若執爲無卽成斷見。若非有非無。又中間不立。寶星經中作如是說。貪等煩惱一切染法。若解脫者是無盡相。若能了知煩惱自性本來清淨勝義諦中脫無所脫。若欲真實觀如來者。當觀如來解脫所生。不從因生。不從緣生。非有相生。非分別生。遠離一切名言差別。非色相。非色眞如。乃至非識相。非識眞如。非晦非明。非卽非離。非見非知。離諸識法。非所了別。不於一切識法中住。若能如是觀如來者。名爲正觀。若他觀者。名爲邪觀。以邪觀故。彼不能見如來眞實。此中所說如實義者。離有離無。非性非無性。如是名爲眞

見如來。無垢稱經中作如是說。華嚴經中有一天子問妙吉祥菩薩言。云何實語。不實語。一切煩惱云何調伏。妙吉祥答言。如人夢中見彼大蛇。是人雖見非毒所害。煩惱雖生。而無實性。是性清淨。而自調伏。此爲實語。非不實語。又海慧菩薩問不思議梵天言。法本無證。及無所說。云何有佛及諸佛法。不思議梵天答言。若佛如來出興於世。及彼演說諸佛法。分若有若無。本自如是。本來無說。亦無所證。無說故。無聞無證。故無得。但爲眾生煩惱業生。諸果報性。引生諸佛大菩提心。住諸菩薩悲心境界。若諸眾生煩惱等性。

寶一論
能自調伏所有諸行而不常行無求無願彼煩惱性
悉清淨者。諸佛亦復無證無說。又善財童子言當知
諸法皆悉如幻。我於幻中而求解脫。如是等義。華嚴
經說。當知諸法如幻如夢如陽燄如聚沫如乾闥婆
城。三界一切法從識心所生。心如幻故。三界如幻。若
有一物有實體者。此說幻喻。理不相應。三摩地王經
中作如是說。如上諸義。諸經中說。

復次我今依經略釋餘義。如妙吉祥菩薩言。菩提者
不可以身得。不可以心得。若無心卽無身。身心離故。
無爲無作如幻如化。若如是說。爲菩提者。諸佛說此
是爲菩提。能入諸佛平等境界。是故乃可名智莊嚴。
而不莊嚴。彼一切智一切智性不可得故。菩提無生
亦復無滅。不一不異。非此非彼。諸佛如來咸作是說。
又復譬如世間一切種子而能生長一切芽莖。若無
種子芽莖不生。釋迦菩薩坐菩提場成等正覺。其義
亦然。但從緣法而生起。故雖有所證而無其實。此卽
說爲遊戲神通。是故當知無有外法。諸佛如來亦無
有性。是故離識實無一法。若離識者。法不生故。若心
能生心。卽無生。若法所生法。亦無生。以是義故。諸佛
如來於無生心中說菩提義。佛說識心能生菩提亦

非識心而能生故。何以故。識性空故。妙吉祥所說是最上真實。於自佛境界中如實而說。又復諸法皆從緣生。而彼所生亦無自性。是故諸法皆悉如幻。如幻之言。是如實說。慈氏菩薩現住如幻三摩地中。是故世尊。於是三摩地中。與授其記。爲表示故。又復世尊。於無數經中。宣說諸法從識所現。離生離滅。非有相。非攝藏。無起作。無止息。不有不無。非常非斷。當知智性皆悉如幻。況復諸法有所分別。若有執著斷常語者。彼非正行佛。不許可。若知諸法非斷非常。彼正相應說名真實。於自分外無法可著。亦無有法是心所。

對。雖於諸法說種種句。但隨諸法爲表了故。當知自識而非他識。於其外義而無少法所可樂欲。自識無性。他識無性。於自於他亦無異性。彼真實智離有離無。當知我識亦復非有補特伽羅蘊語所攝。是故應知一切佛一切法皆自分有。若離自分求不可得。卽此所說離有離無。是甚深義。諸佛皆說此微妙法。遠離一切取著分別。離此亦復無別所說。諸迷謬者。若著於有。卽有善惡界趣二種差別。若著於無。卽無其想。剎那生起。是故著有著無。俱不相應。諸佛如來悲心方便宣說此義。謂一切法離有離無。如是所說是

最上句是故此說諸法眞實法無著性非諸所觀彼無著性離有離無若如是知是大智者當觀虛空無增減無分量無邊際卽此虛空出生一切清淨識心亦復如是此心無心一切出生又如淨摩尼寶彼無心故映現一切或有問言云何分位而無能取應如是答謂彼虛空無作邊故卽無能取若彼虛空無作邊者量云何得當知一切眾生界如微塵聚彼一虛空悉能容受而諸眾生等虛空界無所增減若一切有情及一切方分一切種類一切形相一一分別是中實無一性有所生起以是義故非一性非多性一

多中間而亦無性若言一性定有所得卽種種性而有差別有差別性卽分別生是故一性多性是性平等若於外義無所取著於智亦復而無所得若於外義無所取著於智亦復無所生起若知識心離諸有相而彼外法有何分量若知識心是諸有相而彼外法亦何分量是故應知於彼外法實無一性而可生起如夢等法無實作用若言諸法是此此無自相若言諸法是彼彼亦無實若於自心有所了知卽此自心亦復無實若如實知者名覺了識相若有一切麤重分別心起當知皆是煩惱差別所生若能了煩惱

性離分別心卽生死涅槃二俱清淨此清淨性卽諸法性是性亦復名爲眞如名爲實際亦名爲空是諸性中若染若淨實智所觀皆悉平等或有問言於一切法中何者是不壞應如是答諸法自因不壞云何不壞不壞因性故若法有性若法無性不離自性於二義邊何能安立若諸法因及諸作用有所壞者於一切處理不相應諸法實性云何隨轉謂彼實性無所住故諸法無性云何有因離因亦復無別性故又諸法實性而無所壞卽壞之名亦復無住此中亦無差別因性彼壞滅性無分位故諸法眞實是常住性

彼常住性非無常性若離實性別義作用理不相應然諸物性而亦不滅又非無常性是眞實性眞實性中而有何義是所作用無差別性不可分別彼一切常徧一切處又非無常性是眞實性眞實性中相云何得諸不眞實此云何立諸別異性此云何現是故非無常性應如是知又復當知無常性者於物性中自類而轉聚類所現差別因故所欲爲因而生起故若或以彼諸無常性而於此中爲決定說與唯識義理不相應彼無常性無決定故若法不壞亦非不壞有法剎那而生起故若言不壞者何名無常性若非

不壞者又何名因性。過去未來法亦如是。皆無物性。定實分別諸法隨轉隨其分位。此復何因。謂無住故。諸有爲中現前事滅。卽彼後事還復生起。前不可分別引生後分。後不可分別從前分生。若言諸法此有所得。卽於此中起分別因。若言諸法彼有所得。卽於彼中起分別因。過去未來無住亦然。是中不應有所分別。剎那法中可說有壞不壞義。邊非剎那法。若於彼因如是。了知前後中際不可分別。

復次今說生住異滅。此之四相剎那剎那有所轉故。不相應相而無其實。於不相應無實相中不可起二分別。不可說一時不可說異時。一時異時無生起故。又不可說無時理相違故。若說壞時壞卽不生故。是故當知生時無住。住時亦復而無所得。彼無住性云何有滅。彼生與住說名爲異。若本無生云何有住。若法無住。卽云何得以無生故及無住故於何義中而說有滅。若法有住於住法中可說異性法。旣無住何有異性。無異性中不應分別。當知異性而非住性。實無一性而可分別是故。諸相及分別心。此爲二種。若無諸相。卽無分別。若彼諸相。若分別心有分別者。二俱分別。如實義者無相無分別。生住異滅若有性者。

實論
九
於一切時一切處一切法初中後分不可安立若能如是如理思惟者佛說是人名爲大智。初中分後分諸性於三分性中實無一性有所生起。是故諸法非一性非多性一多中間俱無所得。若一切法離一性離多性卽常與無常無所分別。是故非無常非非無常不應於中起二分別。當知初中分後分不俱時生不俱時有。如他人性卽自所無若自體性他云何有此中所說自性尙無他性何有。是故自亦無性他亦無性。當知一切法所行所作不離因性。若壞不壞非心所思不可分別。初中後分如實思惟皆無爲。

相無別異相不應分別。彼彼諸法各各種子。彼各各性一一不離。智種子生剎那剎那時分轉易。是故彼彼一切法性云何。心能思惟生起。一切法中差別事相當知無因亦無差別。諸法本來無所造作。雖作用相續當何有實。是故所知諸法及能知者是二於剎那中不能和合。彼如是性實無能取。是中無所有亦無所得。當觀諸法生已卽壞。若法不壞卽非生法。以法壞故而無所得。彼不壞者是常住性。卽常住性。彼亦復離卽離之言。是中亦離。若如是知卽了諸法。彼差別性是常住因。無差別性亦復如是。諸有爲法卽

生卽滅故名無住若有住者應有所得以無住相無所得故彼無住法是故相應一切行中諸差別行若彼彼性有所得者於無差別行云何對治是故差別行中無性可生。

復次當知眼等諸識有現量性大牟尼師親所宣說若離現量性別取量非量者彼於此中當云何得世間所有先所作事皆無所依如諸所作無作用性若彼如是諸現前事如其現前亦無所成是中若有所行及非所行卽諸作用義皆相違是故一切無實作事皆如虛空常與無常俱不可執當知諸法皆從緣

生雖生亦無少法可得緣如幻故所生如幻卽彼如是出生諸法以是義故諸法無性亦非無性此如是義正等正覺如實宣說當知一切法無著無礙於大乘中此真實說如是了知卽菩提心本來平等十方三世一切如來如實知故出生方便宣說一切甚深法門如其所應名言分別是故各各宣說表示出生諸法所謂彼彼法是四諦法彼彼法是唯識法雖有所說而常真實彼彼諸法皆悉如幻由如幻故不可尋不可伺不可知無表示無攝藏若離如是等卽知法真實以知真實故而菩提心速得解脫若菩提心

如是解脫卽諸佛亦然眾生亦然生死亦然涅槃亦然法界亦是故佛與眾生二俱平等生死涅槃亦復平等若於此中如是如實了知是義佛說此爲諸佛菩提乃於一切所行所作悉能成辦此所說義是第一義離此無別有第一義此第一義攝一切法是不思議眞實語行離有離無非智非愚非少非多無相無性無所照達智不可知識不可識不卽自性不離自性無取無捨離取捨相從如實智之所出生隨所出生隨所言說無取相無攝藏非心所思不可知故非眼所見不可見故何以故心無自性故由心無

生雖生亦無少法可得緣如幻故所生如幻卽彼如是出生諸法以是義故諸法無性亦非無性此如是義正等正覺如實宣說當知一切法無著無礙於大乘中此眞實說如是了知卽菩提心本來平等十方三世一切如來如實知故出生方便宣說一切甚深法門如其所應名言分別是故各各宣說表示出生諸法所謂彼彼法是四諦法彼彼法是唯識法雖有所說而常眞實彼彼諸法皆悉如幻由如幻故不可尋不可伺不可知無表示無攝藏若離如是等卽知法眞實以知眞實故而菩提心速得解脫若菩提心

如是解脫卽諸佛亦然眾生亦然生死亦然涅槃亦然法界亦是故佛與眾生二俱平等生死涅槃亦復平等若於此中如是如實了知是義佛說此爲諸佛菩提乃於一切所行所作悉能成辦此所說義是第一義離此無別有第一義此第一義攝一切法是不思議眞實語行離有離無非智非愚非少非多無相無性無所照達智不可知識不可識不卽自性不離自性無取無捨離取捨相從如實智之所出生隨所出生隨所言說無取相無攝藏非心所思不可知故非眼所見不可見故何以故心無自性故由心無

自性卽一切法無自無他以無自他二種差別卽一切法自性相應無生無滅無集無散非智非愚無有少法有所表示有所照達當知彼彼菩提種子而彼彼相爲表示了故若能於彼彼相觀無我者菩提種子亦無所生諸菩薩摩訶薩自性眞實以善方便出現世間起大悲心示有所證而諸菩薩自性眞實無生無滅當知識法遠離疑惑無有少法而可生起我我所空而無有相顯了表示識相光明而無自性然光明性彼性自常是故我相性者無有光明無光明中云何可說有光明相如諸光明而能破暗然暗與明

不近不合不近故明何能破不合故暗何所破若明
暗相遠又俱無所得是故當知明能破暗不卽不離
不可於中定實分別暗雖有破無能破法彼能破法
無別分量何以故破名無住故由此應知彼一切法
因緣和合而有所生以緣生故如幻而成如幻法中
彼癡暗等亦非煩惱但爲智障而不了故離識分別
亦非光明有所生起是二實性俱無分別此中見邊
而實無得。

復次當知觸作意受想思欲勝解念定慧如是等心
所有法彼彼皆是菩提之相而彼一一自性清淨若
或有法非菩提相者而於自體理不相應當如虛空
自性清淨而彼智性亦然清淨若知我相實無所有
卽彼識心亦復無生若識無生者彼一切法當云何
有是故應知諸法皆從真實所生諸法因緣和合卽
生雖生無實而無所有諸法如幻識心如幻緣亦如
幻由如是故識從緣生當知智性亦復如幻無所分
別無所了知諸法自相非智所知但有言說皆不相
應此中若能離諸分別若生若滅皆悉遠離緣生如
幻所生亦如幻云何如幻中而實有生當知識心彼
如幻故智亦如幻智如幻故所知亦如幻智與所知

俱如幻。故生法亦然。生法如幻。故諸法亦然。如人見彼幻所作象。如其所生。卽有三事。世間諸行亦復如是。如其所生。亦有三事。若於此心有所見者。卽有言說。及所作事。若了無心。卽無所思。無心無思。法云何有。若有我相。及有我。所可說有見。無我。我所當云何見。彼菩提相。亦云何證。此無我相。如是應知。一切幻法。而無所有。如幻所現。說名爲有。有性無性。彼自性性。此性無著。一切處現。若法是有。卽不應無。此有亦復現前。無體若法。是無。卽不應有此。無亦復現前。有實。是故無生。亦無攝藏。由此應知。若法言有。不如是。

有若不如是有。卽應是無。此中言有。又不可定記。法界自性。應如是說。若諸色法。是實有體。於第一義。然無所有。是故此中諸所作事。皆從幻化。分別起。故若法有性。若法無性。本自如是。若非有性。若非無性。亦復如是。有性無性。自性相應性。與無性非心分別。若有說言。諸法是一。一無自性。若有說言。諸法是異。異無自性。一切法中。無自性。性說不可得。所有諸佛。隨三世轉。普令世間一切眾生。盡得解脫。而諸佛界。無增長。因彼彼亦復無增長性。真實性中。諸佛常有。當知一切法。四種分別。所謂若有若無。是二非二。世間

如幻心亦如幻云何無說而有所說。一切法空離諸所著空亦不離彼真如性。是中不應戲論分別。以是義故諸法無性應如是說。當知諸佛正等正覺非性非無性。性與無性皆離著故。此卽非空亦非不空空有中閒亦無所立。是故一切法無生無性。以無生無性故隨諸有相處處表示然其執相義無所得無實取性。是卽真實。諸法無生亦復無滅。彼一切法皆同一相。此中如是同一相故。卽一切法無染無淨。若言諸法有生有滅。當知皆從煩惱種子虛妄生起。若說諸法爲無生者。彼說名爲斷見。增語若說諸法爲無

滅者。彼說名爲常見。增語是故應知諸法離言不可說。生不可說滅。一切法中若生若滅。實無少法而有所得。若能離彼二種增語。卽一切法非斷非常。有性無性。性自真實。此中無有少法。是所得相。無有一事而實可轉。諸法雖生而無所有。是中亦復無實境界。智如虛空。離諸有相。智與虛空皆悉平等。當知一切差別分別。爲煩惱網礙。清淨性真如。無相離諸所緣。自性清淨有大光明。是故當知諸佛世尊本真如性。是爲佛寶。以清淨因示清淨法。開生正解。自性任持。是爲法寶。指真實道。自體相應。是爲僧寶。如是三寶。

皆無爲相非蘊等法無所集無所有無有相無分別
是故諸佛世尊住勝義諦從如實道如實而來故名
如來如實了知無我等法是故現諸色相及功德法
從初發心修諸勝行得不退轉乃至最後一生補處
成等正覺此所因者從無垢真如現諸佛身此所現
身是方便生宣說諸法然無說相何以故無性無所
有故識心清淨是識卽有諸所作事亦如是現雖現
無取而亦無說以勝義諦不可取不可說故卽此無
取及無說性體自真實亦不可說以不可說卽無分
別無分別性是勝義諦於勝義諦中隨事分別所有

所有諸法聲如是如是諸法說彼彼諸法無說相諸
法法性皆平等諸法無我亦無自性有性無性彼彼
自性離有離無而不可取亦不可說此中如是若有
若無語義甚深離相而說諸法無證相此名正等覺
諸法離說相是名真實說無生亦無滅諸法甚深義
各各諸境界無我而無轉外法不可轉外法不可取
施戒等諸法雖說而無相是故於一切法無所取相
卽無所著此中亦復無別作用設有所作事亦說名
爲空作用空故無實行相無實行相中法無增無減
若於諸法虛妄分別當知彼心執相中轉起彼心故

寶一論
是愚癡者著煩惱性彼非解脫若不起彼虛妄分別
諸所作事皆悉寂靜彼能如實而得解脫無分別故
心性常寂是故諸法從緣而生雖有所生說名爲空
當觀自法而無有相正等正覺作如是說當知諸法
無集無散無自無他無有小法取相可得如初亦如
後初後相應而彼真如性光明照若能照達彼真如
性諸法緣生現而無礙如幻所生亦如是說此所宣
說大乘出生當知一切法若生若滅非尋伺道而能
知故何以故諸語義邊無所著故彼真實性不可知
故是故現前無所取著智者如實離諸言說彼分別

心說名爲網離分別故卽得解脫彼解脫心如空平
等如是所說是甚深法若於此中如實信解是大智
者彼信解心與三界等是心清淨離諸塵垢復能遠
離一切染著卽於諸法無取無捨一切執著愚癡皆
悉遠離彼能獲得十種自在彼於自法覺了實性無
自性中亦無所住於諸法中如實信解如所信解如
實而住譬如虛空周徧無缺彼一切法圓滿出生亦
復如是是法平等普徧一切是中無法若來若去無
來去故諸法現前知是義者通達佛教一切生法悉
無所著異此亦復無別有法此是大乘諸法要道最

上甚深如實而轉識心淨故一切無著與一切法理
不相違是故當知一切執心盡處有法彼法甚深非
智所觀非所了知有無二處俱不可立以是義故諸
佛菩提無能證者無所證處菩提法中無所安立若
能如實證自佛者與一切法而自相應諸法無因亦
無所作諸愚癡者思惟分別若執無因又復不能集
諸福事起染著心感惡趣報是故智者於此甚深微
妙法中如實信解尊重恭敬即得無量最上福聚是
名真實修大乘者是故若人覺了此道是如實道是
無著道最上最勝而能發生清淨信者諸佛稱讚有

諸無智邪見外道不能捨彼諸執著心此甚深法不
應爲說若爲說者理不相應

我所稱讚最上法

初中後善理相應

總攝最上真實句

甚深微妙不思議

集諸功德量無邊

普施一切眾生界

集諸法寶最上義論

劉小樓捐二元王少湖三元二角五分李可園李
石庵共一元蘇仁民程黻斯許餘慶共一元潘文
法李貽和姜文卿潘章辰共二元乾作三元潮作

三元郎程徐楊四女士共一元合共十六元二角
五分爲歐陽竟無居士五十生辰敬刻此卷連圈
計字七千一百九十五箇

民國九年中秋金陵刻經處研究部識



法集名數論

宋西天三藏朝散大夫試鴻臚少卿傳法大
師施護奉詔譯

歸命頂禮一切佛一切智智天人師無邊無數佛說
法略集所說正法名先歸命三寶所謂佛法僧云何
三乘所謂大乘緣覺聲聞云何七種最上供養所謂
禮拜供養懺悔隨喜勸請發願迴向云何三根本所
謂發菩提心清淨心自性空斷我見云何十波羅蜜
所謂布施持戒忍辱精進禪定智慧方便願力智云
何十八空所謂內空外空內外空空空空大空勝義空

有爲空。無爲空。畢竟空。無際空。散空。一切法空。本性空。自相空。無相空。無性空。自性空。無性自性空。云何四無量。所謂慈無量。悲無量。喜無量。捨無量。云何四攝法。所謂布施。愛語。利行。同事。云何五通。所謂天眼。天耳。他心。宿命。神境。云何四聖諦。所謂苦諦。集諦。滅諦。道諦。云何五蘊。所謂色蘊。受蘊。想蘊。行蘊。識蘊。云何出世五蘊。所謂戒蘊。定蘊。慧蘊。解脫蘊。解脫知見蘊。云何十二緣生。所謂無明。行。識。名色。六入。觸。受。愛。取。有生。老死。云何三十七菩提分法。所謂四念處。四正斷。四神足。五根。五力。七菩提分。八聖道。云何四念

處。所謂觀身。身念處。觀受。受念處。觀心。心念處。觀法。法念處。云何四正斷。所謂未生不善法。不令生。已生不善法。令正斷。未生善法。令發生。已生善法。令增長。眞實不妄發精進心。令得圓滿。云何四神足。所謂集定。斷行具神足。心定。斷行具神足。精進定。斷行具神足。我定。斷行具神足。云何五根。所謂信根。進根。念根。定根。慧根。云何五力。所謂信力。進力。念力。定力。慧力。云何七菩提分。所謂念菩提分。擇法菩提分。精進菩提分。喜菩提分。輕安菩提分。定菩提分。捨菩提分。云何八聖道。所謂正見。正思惟。正語。正業。正命。正精進。

正念。正定。如是三十七菩提分法。云何四法種。所謂正利。正文。正智。正識。云何六念。所謂念佛。念法。念僧。念戒。念施。念天。云何四法印。所謂一切行無常。一切行苦。一切法無我。涅槃寂靜。云何十善。所謂不殺生。不偷盜。不婬欲。不妄語。不兩舌。不惡口。不綺語。不貪。不瞋。不癡。云何四根本煩惱。所謂貪。瞋。癡。我慢。云何五見。所謂身見。邊見。邪見。見取。戒禁取。云何四漏。所謂欲漏。有漏。無明漏。見漏。云何三解脫。所謂空解脫。無相解脫。無願解脫。云何八有色。所謂地。水。火。風。香味。觸。法。云何二無色。所謂虛空。識性。云何八定解脫。

所謂內有色。觀外色。解脫。內無色。觀外色。解脫。觀淨。解脫。具足住。觀空。無邊處。解脫。觀識。無邊處。解脫。觀無所有處。解脫。觀非想非非想處。解脫。觀想受滅。解脫。云何九部法。所謂契經。祇夜。受記。伽他。諷誦。因緣。本事。本生。方廣。云何十二頭陀行。所謂常乞食。次第乞食。一座食。先止後食。持三衣。毳衣。糞掃衣。於其草上長坐。不臥。顯路處居住。樹下住。冢間住。空寂處住。云何十地。所謂歡喜地。離垢地。發光地。燄慧地。難勝地。現前地。遠行地。不動地。善慧地。法雲地。云何菩薩十降伏。所謂命降伏。心降伏。受用降伏。法降伏。生降

伏神通降伏。解脫降伏。願降伏。業降伏。智降伏。云何菩薩十力。所謂解脫力。拔苦力。觀力。忍力。智力。斷力。聞力。願力。圓滿力。愛力。云何如來十力。所謂處非處智力。自業智力。知眾生性智力。根勝劣智力。種種界智力。種種勝解智力。徧趣行智力。淨慮解脫等持等至智力。宿住隨念智力。漏盡智力。云何四知。所謂知一切法種。知一切說法。知涅槃正道。知漏盡智斷。云何五貪妬。所謂法貪妬。利養貪妬。住貪妬。爲善貪妬。名聞貪妬。云何十八不共法。所謂身無失。口無失。意無失。無不定心。無異想心。無不知捨心。欲無減。念無

減。精進無減。智慧無減。解脫無減。解脫知見無減。身業隨智慧行。口業隨智慧行。意業隨智慧行。知過去無礙。知未來無礙。知現在無礙。云何三十二相。所謂足下平滿相。足下千輻輪文相。手足柔輒相。手足指閒有金色網縵相。手足諸指纖長圓滿相。足跟廣長與趺相稱相。足趺修廣柔輒充滿相。雙膺纖圓如鹿王膺相。兩臂膺圓平立過膝相。陰相隱密如象王相。身諸毛孔各生一毛。右旋紺青相。髮毛上靡紺青柔輒相。身皮薄潤塵水不住相。身真金色光潔莊嚴相。手足掌中頸及兩肩七處充滿相。雙肩頭頂圓滿殊

妙相兩膊腋下皆悉充實相容儀端嚴相身相廣長
相體相縱廣形量相稱相於身上半如師子王相常
有身光面各一尋相齒白如雪四十齊密相四牙鋒
利鮮淨皎潔相於諸味中常得上味相舌相廣薄可
以覆面至髮際相梵音洪雅隨眾等聞相眼睫齊整
如牛王眼睫相眼睛之上紅環閒飾相面如滿月眉
如初月相眉閒白毫右旋柔輒相頂有烏瑟膩沙如
天傘蓋相云何八十種好所謂指爪狹長光潤薄淨
好手指足指纖圓臚直骨節不現好手足各等指閒
充密好手足如意柔輒好筋脈堅固深隱不現好兩

踝不現好行步直進如龍象王好行步齊肅如師子
王好行步安平如牛王好進止儀雅如鵝王好凡所
迴顧舉身隨轉好肢節臚圓妙善具足好骨節無隙
如龍蟠好膝輪堅固妙好莊嚴好隱處文約圓滿清
淨好身皮柔輒光淨離垢好身容敦肅無諸怖畏好
肢節稠密安布妙善好身肢安定不掉動好身相光
淨周帀端嚴好周帀身光恆自照耀好腹形方正柔
輒不現好臍深圓妙清淨殊異好臍厚妙好無窠凸
好皮膚清淨無諸垢染好手足充滿好手文不斷好
脣如頻婆果好面門如量端嚴好舌相廣薄好梵音

深遠好梵音美妙具足好鼻高脩直好諸齒方整好
諸牙圓白好眼睛青白分明好眼如青蓮華葉好眼
睫稠密不白好雙眉長軟好雙眉紺瑠璃色好雙眉
高顯光潤好耳厚相稱輪垂圓滿好兩耳齊平好容
儀廣大皆生敬愛好額廣平正好身分上半無比對
好首髮脩長稠密紺青好首髮香潔好首髮無交雜
好首髮無禿落好首髮光滑塵垢不住好身分充實
喻那羅延好身體廣大端直好諸竅清淨好身肢無
等好眾觀無厭足好面如滿月好惟向不背好面貌
熙怡好身肢無垢好面門常香好毛孔常香好首如

末達那好身毛光淨如孔雀項毛好梵音稱量應理
無差好頂骨無人得見好手足指約如赤銅好行時
去地四指能現印文好自侍不待他衛好惡心見喜
恐怖見安好音聲和悅隨眾生意好隨有情類言音
意樂好一音說法隨類各悟好次第說法必有應緣
好觀諸眾生無憎愛好先觀後作軌範具足好不可
觀盡相好好頂骨堅實好容顏不老好手足胷臆有
喜旋德好云何輪王七寶所謂金輪寶象寶馬寶摩
尼寶玉女寶主兵寶主藏寶云何世閒八法所謂利
衰譏毀譽稱苦樂云何三世所謂過去未來現在云

法身名義音
何四劫數。所謂大劫。母拏劫。散地劫。賢劫。云何四世。所謂聖世。正世。像世。末世。云何二法。所謂生法。滅法。云何四生。所謂胎生。卵生。溼生。化生。云何五濁。所謂劫濁。見濁。煩惱濁。眾生濁。命濁。云何四魔。所謂煩惱魔。天魔。蘊魔。死魔。云何六趣。所謂天趣。人趣。脩羅趣。畜生趣。餓鬼趣。地獄趣。云何八寒地獄。所謂炮地獄。炮烈地獄。虎虎凡地獄。啾啾凡地獄。阿吒吒地獄。青蓮華地獄。紅蓮華地獄。大紅蓮華地獄。云何八熱地獄。所謂等活地獄。黑繩地獄。眾合地獄。叫喚地獄。大叫喚地獄。燒然地獄。極燒然地獄。阿鼻地獄。云何四

大州。所謂南瞻部州。西俱耶尼州。北俱盧州。東勝身州。各有五百小州。以爲眷屬。復有二鐵輪圍。小鐵輪圍。大鐵輪圍。云何七金山。所謂持雙山。持軸山。檐木山。善見山。馬耳山。象鼻山。魚背山。云何七海。所謂鹽水海。乳海。酪海。酥海。蜜水海。吉祥草海。酒海。云何六欲天。所謂四天王天。忉利天。夜摩天。兜率天。樂變化天。他化自在天。云何色界十七天。所謂梵眾天。梵輔天。大梵天。少光天。無量光天。極光淨天。少靜天。徧靜天。無量靜天。無雲天。福生天。廣果天。無煩天。無熱天。善見天。善現天。色究竟天。

法集名數論

弟子

邱櫟
呂徵爲

親教師歐陽竟無居士五十生日捐款敬刻此論
連圈計字二千九百一十七箇伏願佛力加護住
世利生

民國九年庚申孟夏金陵刻經處研究部識

244.1
9118

